

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/105, 16.11.2021թ.

Բողոք բերող անձ՝ «Գրանթ Թորնթոն» ՓԲԸ

Պատվիրատու՝ «Երևանի Ջերմաէլեկտրակենտրոն» ՓԲԸ

Գնման ընթացակարգի ծածկագիրը՝ «ԵՋԷԿ-ԳՀԾՁԲ-21/61» գնանշման հարցում

Գնման առարկան՝ ֆինանսական հաշվետվությունների աուդիտորական ծառայությունների ձեռքբերում

Բողոքի պահանջը՝

1. դադարեցնել «Գրանթ Թորնթոն» ՓԲԸ-ի կողմից ներկայացված հայտը մերժելու մասին որոշումը,
2. արգելել կատարել արձանագրությունից բխող գնումների մասին ՀՀ օրենսդրությամբ սահմանված հետագա գործողությունները, այդ թվում՝ այլ մասնակիցների հետ պայմանագիր կնքելու որոշում կայացնելը և/կամ պայմանագիր կնքելը,
3. պարտավորեցնել ընդունել գնման ընթացակարգը չկայացած հայտարարելու մասին որոշում:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Բողոք ներկայացնող անձ՝ «Գրանթ Թորնթոն» ՓԲԸ

Իրավաբանական և գործունեության վայրի հասցե՝ ք. Երևան, Գրիգոր Լուսավորչի 9,
Երևան պլազա բիզնես կենտրոն,
Պետական գրանցման համար՝ 264.120.09235, վկայական՝ 03 Ա 090206
Հեռ.՝ 093-50-50-10

Պատվիրատու՝ «Երևանի Ջերմաէլեկտրակենտրոն» ՓԲԸ

Հասցե՝ ք. Երևան, Արին-Բերդի 3-րդ նրբանցք, թիվ 3

Բողոքարկվող գնանշման հարցման ընթացակարգի ծածկագիր՝ ԵՋԷԿ-ԳՀԾՁԲ-21/61

Գնման առարկա՝ «Երևանի ՋԷԿ» ՓԲԸ-ի կարիքների համար 2021 թ. ավարտվող տարվա
ֆինանսական հաշվետվությունների աուդիտորական ծառայությունների ձեռքբերում

Բողոք

(ԵՋԷԿ-ԳՀԾՁԲ-21/61 գնանշման ծածկագրով գնահատող հանձնաժողովի որոշման դեմ)

1. Փաստական հանգամանքներ

- 1.1. «Երևանի Ջերմաէլեկտրակենտրոն» ՓԲԸ (այսուհետ՝ Պատվիրատու) կարիքների համար 2021թ. ավարտվող տարվա ֆինանսական հաշվետվությունների աուդիտորական ծառայությունների ձեռքբերման նպատակով գնահատող հանձնաժողովի 2021 թվականի հոկտեմբերի 28-ի թիվ 1 որոշմամբ հաստատված հայտարարության և իրավերի համաձայն՝ հայտարարվել է ԵՋԷԿ-ԳՀԾՁԲ-21/61 ծածկագրով գնանշման հարցում:
- 1.2. 2021 թ. նոյեմբերի 5-ին «Գրանթ Թորնթոն» ՓԲԸ-ն (այսուհետ՝ Ընկերություն) էլեկտրոնային ձևով՝ էլեկտրոնային գնումների Armeeps (www.armeeps.am) համակարգի միջոցով մասնակցության հայտ է ներկայացրել Պատվիրատուի կողմից հայտարարված ԵՋԷԿ-ԳՀԾՁԲ-21/61 ծածկագրով գնանշման հարցմանը՝ դրան կցելով ՀՀ օրենսդրությամբ սահմանված բոլոր անհրաժեշտ փաստաթղթերը:
- 1.3. Հայտը ներկայացնելուց հետո համակարգն արտացոլել է հետևյալ բովանդակությամբ տեքստ՝ «Հայտի փաթեթի ֆայլը հաջողությամբ բեռնվեց և մի էլ-ուղերձ ուղարկվեց ձեր էլ-փոստին: Հայտի փաթեթի ստացականի հերթական համարն է 000171666»: Այսուհետև Ընկերությունը ստացել է նաև էլեկտրոնային հաղորդագրություն այն մասին, որ վերջինիս կողմից ներկայացված մրցութային փաթեթը բեռնվել է:
- 1.4. Հայտերը բացվել են 2021 թ. նոյեմբերի 5-ին՝ ժամը 16:30, և գնահատող հանձնաժողովի հայտերի բացման նիստի 2021թ. նոյեմբերի 10-ի N 2

արձանագրության համաձայն՝ ԵՋԷԿ-ԳՀԾՁԲ-21/61 ծածկագրով գնման հարցման ընթացակարգին մասնակցելու հայտեր են ներկայացրել ԲԻ-ԴԻ-Օ Արմենիա ՓԲԸ-ն և «Գրանթ Թորնթոն» ՓԲԸ-ն: Արձանագրության մեջ նշվել է, որ «Գրանթ Թորնթոն» ՓԲԸ-ի փաթեթը ARMEPS էլեկտրոնային համակարգով չի բացվել, և նիստը կասեցվել է մեկ աշխատանքային օրով: Ըստ արձանագրության՝ Ընկերության փաթեթը ֆայլեր չէր պարունակում, ինչի հիման վրա գնահատող հանձնաժողովը մերժել է «Գրանթ Թորնթոն» ՓԲԸ-ի հայտը:

- 1.5. 2021 թվականի նոյեմբերի 10-ի հանձնաժողովի նիստի N 2 արձանագրության համաձայն՝ ընթացակարգի 1-ին չափաբաժնի մասով 1-ին տեղը զբաղեցրած մասնակից է հայտարարվել ԲԻ-ԴԻ-Օ Արմենիա ՓԲԸ-ն:

2. Իրավական հիմնավորումներ

«Սահմանադրության 39-րդ հոդվածի համաձայն՝ մարդն ազատ է անելու այն ամենը, ինչը չի խախտում այլոց իրավունքները և չի հակասում Սահմանադրությանը և օրենքներին: Ոչ ոք չի կարող կրել պարտականություններ, որոնք սահմանված չեն օրենքով: «Սահմանադրության 59-րդ հոդվածի 1-ին մասի համաձայն՝ յուրաքանչյուր ոք ունի անփոփոխական, ներառյալ ձեռնարկատիրական գործունեությամբ զբաղվելու իրավունք:

05.06.2015թ. ուժի մեջ մտած Պետական գնումների մասին վերանայված համաձայնագրի 4-րդ հոդվածի 3-րդ կետի համաձայն՝ նշված գնումներն էլեկտրոնային եղանակով իրականացնելիս, պարզիրարուն պետք է:

ա. ապահովի, որպեսզի գնումներն իրականացվեն՝ օգտագործելով տեղեկատվական տեխնոլոգիաների համակարգեր և ծրագրային ապահովումներ, այդ թվում՝ տեղեկատվության նույնականացման և կոդավորման առումով, որոնք ընդհանուր առմամբ, հասանելի են և փոխգործակցող այլ ընդհանուր առմամբ հասանելի տեղեկատվական տեխնոլոգիաների համակարգերի և ծրագրային ապահովման հետ, և

բ. պահպանի մեխանիզմներ, որոնք ապահովում են մասնակցության և մրցույթների հայտերի ամբողջականությունը, այդ թվում՝ ստացման ժամանակի հաստատումը և ոչ պարզաճ օգտագործման կանխարգելումը:

«Գնումների մասին» ՀՀ օրենքի 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

«Գնումների մասին» ՀՀ օրենքի 2-րդ հոդվածի 12-րդ կետի համաձայն՝ էլեկտրոնային միջոցներ են մալուխային, ռադիո, օպտիկական միջոցներով կամ էլեկտրամագնիսական այլ միջոցներով փոխանցված, տեղափոխված և ստացված փվյալների մշակման ու պահպանման, ինչպես նաև էլեկտրոնային եղանակով գնման ընթացակարգերի կազմակերպման համար անհրաժեշտ էլեկտրոնային, այդ թվում՝ ծրագրային և ապարատային միջոցները:

Համաձայն Պատվիրատուի թիվ ԵՁԷԿ-ԳՀԾՁԲ-21/61 ծածկագրով գնանշման հարցման հայտարարության՝ գնանշման հարցումն իրականացվում է մեկ փուլով՝ էլեկտրոնային գնումների Armeps (www.armeps.am) համակարգի միջոցով:

Վերը հիշատակված դրույթների բովանդակությունից բխում է, որ էլեկտրոնային եղանակով գնանշման հարցման ձևով գնում կատարելիս Պատվիրատուն որոշակի պարտավորություններ է կրում, որոնք ընդհանուր առմամբ հանգում են էլեկտրոնային գնումների՝ պատշաճ և անխափան կազմակերպմանը, ինչպես նաև ներկայացված հայտերի ամբողջականությանը:

Ընկերության կողմից փաստաթղթերի ներբեռնման պահին համակարգը որևէ խափանում ցույց չի տվել, ինչից Ընկերությունը ողջամտորեն ենթադրել է, որ փաստաթղթերն ամբողջությամբ ներբեռնվել են: Էլեկտրոնային գնման շրջանակներում ներկայացվող փաթեթի և դրա բովանդակության պարտադիր ստուգման մեխանիզմ համակարգում ներդրված չէ, ինչը նշանակում է, որ Ընկերությունը զրկված է ներբեռնումից զատ լրացուցիչ վերահսկողության լծակներից: Դա էլ իր հերթին նշանակում է, որ հետագայում համակարգում փաստաթղթերի բացակայության բացասական հետևանքների ռիսկը չի կարող դրվել Ընկերության վրա:

Այսպիսով, հիմք ընդունելով վերը նշվածը, գտնում ենք, որ «Գրանթ Թորնթոն» ՓԲ ընկերության հայտի մերժումն իրավաչափ չէ, և վերջինս անհիմն կերպով զրկվել է նշված գնանշման ընթացակարգին մասնակցելու հնարավորությունից:

Հիմք ընդունելով «Գնումների մասին» ՀՀ օրենքի 46-րդ հոդվածի 1-ին մասը, 3-րդ մասի 1-ին կետը, 50-րդ հոդվածի 7-րդ մասի 1-ին կետը՝

խնդրում ենք

1. Դադարեցնել «Գրանթ Թորնթոն» ՓԲԸ-ի կողմից ներկայացված հայտը մերժելու մասին որոշումը,

2. Արգելելու կատարել արձանագրությունից բխող գնումների մասին ՀՀ օրենսդրությամբ սահմանված հետագա գործողությունները, այդ թվում՝ այլ մասնակցի հետ պայմանագիր կնքելու որոշում կայացնելը և/կամ պայմանագիր կնքելը,
3. Պարտավորեցնել ընդունել գնման ընթացակարգը չկայացած հայտարարելու մասին որոշում:

Կից ներկայացվում են՝

1. Ավտոմատ ծանուցման միջոցով «Գրանթ Թորնթոն» ՓԲԸ-ի կողմից ներկայացված փաթեթի ներբեռնումը հաստատող էլեկտրոնային հաղորդագրության արտատպումը.
2. Բողոքարկման վճարի կատարումը հաստատող անդորրագրի պատճենը.
3. Քաղվածք ՀՀ արդարադատության նախարարության իրավաբանական անձանց պետական ռեգիստրից.
4. «Գրանթ Թորնթոն» ՓԲԸ տնօրենի նույնականացման քարտի պատճենը:

«Գրանթ Թորնթոն» ՓԲԸ տնօրեն
Արմեն Հովհաննիսյան

